

欽定剿平三省邪匪方略

正編

六
二



欽定剿平三省郡匪方畧正編卷一百三十四

己未年

十一月二十日

甲戌

倭什布奏言竊查賊匪一股

在大寧石壁山一帶竄突嗣據探報賊蹤漸向

北趨已至徐家壩地方將近邊界

臣

思該匪往

來游奕實欲窺伺何處卡隘單弱卽乘間突入

查徐家壩在蕭家坡南面東通大禾田西通西

溝其餘山路小徑尤爲叢雜必須繞出蕭家坡

扼要堵截方不致兼顧爲難。臣隨帶官兵無多

一面飛調總兵孫清元自峯溪領兵前來協剿

臣督率現帶官兵五百名進發行抵小溝口有

賊人探馬十餘騎馳至一見官兵隊伍卽折轉

狂奔當經飛馬追躡箭斃一人墜澗跌斃一人

想該匪大隊不遠催兵前進翻過蕭家坡左手

老崖頂賊衆正奔及山腰官兵同聲吶喊乘勢

下壓擊斃二十餘人。生擒黃進成等三名。該匪

抵敵不住。倉惶下竄。適孫清元帶領兵勇八百

名於夜半趕到。臣因山下路徑未能熟悉。次日

黎明。令其由圓木溝一帶追剿。沿途復生擒張

學玉等九名。並奪獲辛字大旗一面。臣恐該匪

牽綴官兵。又繞他道闌入。親自率兵由西溝西

河一帶兜出。令孫清元仍沿貼邊界攔擊。遏其

來路該匪徹夜狂竄直至雞心嶺忽折回西面
尖山坪上茅壩行走察其譎計欲向菜子壩黑
山頂等處衝撲初十日孫清元已由中茅壩抄
在賊前正遇匪衆蜂擁而至勢極剽悍互相迎
拒至半日之久官兵礮轟騎馬賊數人賊遂搶
佔山梁並分一股繞至掃樹坪下欲斷該鎮後
路臣先撥西溝防兵二百名協助仍親率原兵

趕赴策應分三路擊剿賊卽歸併一處捨命直
前守備吳純俊首先衝入射死騎馬賊一人衆
兵兜圍競進矛扎鎗擊立斃三十餘人生擒夏
文聘等十一名該匪格鬪不住復向黃柏廠退
走孫清元帶兵乘勝跟剿五十餘里奪獲騾馬
刀矛鳥鎗旗幟等件賊遂向陝省平利縣之鎮
坪而逸

臣

提到前後獲犯研鞫回供此股共有

千餘人大頭目是辛聰辛斗宋廕子陳光俊顏
中考因辛聰是襄陽人總想到湖北去當將該
犯等分別辦理內吳正合等六名係新被裹脅
卽予省釋馬騾器械分賞出力兵勇此兩次迎
頭擊剿賊匪擒殺多人該匪計力俱窮已極畏
懼但辛聰等意欲入楚此間邊界綿長更須刻
刻嚴加防範察其所向隨時遏截現今孫清元

帶兵仍在黑虎廟等處往來巡過臣亦暫紮西

溝督率西南各要隘防兵實力堵禦總不令一

名竄越楚境至該匪或從鎮坪西奔平利或又

南竄入川均未可定臣已飛咨額勒登保德楞

泰那彥成及川陝各督撫查探賊情派員遏擊

奏入

上命軍機大臣傳諭倭什布曰前據倭什布奏稱大

寧石壁山一帶有不知姓名一股賊匪在彼游奕
朕卽以該督所奏係於摺尾畧露端倪預佔地步
今據奏探知賊蹤漸向北趨至徐家壩地方將近
邊界果不出朕所料倭什布一聞信息卽帶兵截
剿賊匪仍向陝西平利逃逸未令竄入楚境此實
倭什布之萬幸設使此股賊匪又復闌入楚省則
該督疎防之罪更無可追但朕聞川省賊匪現經

官兵逼剿民間自相保聚堅壁清野賊勢已極窮
蹙該匪等在彼無食可掠勢必又思竄入湖北鄖
房等處完善地方以圖搶掠延喘不獨辛聰本係
襄陽人注意入楚卽其餘各股賊匪亦難保其不
向川楚交界地方乘間奔突倭什布務須加倍嚴
防隨時遏截毋得稍有疎虞至倭什布以辛聰等
賊匪擊退後或從鎮坪西奔平利或又南竄入川

均未可定。飛咨額勒登保那彥成等一體派兵堵剿。所辦尙是各股竄匪出沒無常。雖川陝帶兵大員等各在一方擊剿。實則同辦一事。自不當稍分畛域之見。倘賊匪或有仍行折竄入楚者。倭什布總當奮力截拏。卽兵力稍單不妨於附近營分酌量添調。或多募鄉勇。務期堵禦嚴密。不使賊匪一名闌入。亦不必遠離邊界。若防範不密。致令楚省

完善之地復被滋擾則惟該督是問恐不能當此
重咎也

同日

上命軍機大臣傳諭額勒登保那彥成松筠魁倫倭
什布吳熊光曰據從九品揭琮奏軍營善後事宜
內稱團集本地之人練而爲勇此等鄉勇聚則爲
兵散則爲農事竣毋庸另籌安插惟雇募鄉勇俱

係外府州縣之人其中多係革兵革役應募充當
將來歲事仰食無資必須安插得所現在川陝各
省教匪逆產暨逃亡無著之業甚多飭令各州縣
早爲清查勿令侵佔事竣令鄉勇內老弱者歸農
精壯者或分撥各營充補兵缺或添設營汛給與
查抄逆產令其屯種所言尙屬可行此等僱募鄉
勇本係無業之人撤回後自須妥爲安插卽各處

投出難民除有籍可歸者應令地方官隨時酌給
盤費令其回籍其無籍可歸者亦當籌及生計俾
無失所著額勒登保等於辦理善後事宜時飭令
地方官將教匪逆產暨逃亡無著之業一律清查
不得稍有影射侵佔俟事竣之日分給鄉勇難民
人等以資安插

二十三日

丁丑

額勒登保奏言查川中賊匪惟徐

添德王登廷爲大股其狡猾亦較他逆爲尤甚
節經剿潰之後於東鄉太平一帶輾轉奔逃且
探得冉添元樊人傑二股由西鄉竄回川境在
鹽廠陳家壩等處先後與徐添德王登廷合夥
該匪等益恃人數較衆分合無常希冀牽綴官
兵並欲阻擾糧道實屬可恨之極自應分路兜
圍逼歸一處庶易殲洗

臣

察度地勢情形當派

阿哈保穆克登布等一路官兵由太平之官壩

竹峪關洪口一帶前進臣帶領春寧格布舍楊

遇春許文謨等由巴平口石窩場一帶前進初

四日穆克登布行抵絲羅壩羊捲堡追及冉添

元一股賊尾斬戮四十餘人賊仍與徐王等逆

竄集穆克登布等知臣親督官兵由大丹坡一

帶進發遂將賊匪逼向臣一路以期夾擊臣在

三清碕一帶節次遇賊該匪等一見官兵卽
命翻山竄逸先後殲獲計有八十餘人次晚躡
探賊蹤均向巴州之馬板灘過河遁去是夜阿
哈保穆克登布等亦追賊前來與臣駐營之處
相隔只有十餘里當卽傳令阿哈保穆克登布
等帶領馬步官兵過馬板灘河由右手繞出鷹
背梁預截賊前復令春寧楊遇春等帶領馬步

官兵過河從左手覓路抄截臣帶領許文謨由

中路進擊午後趕抵何家院對面山梁有本地

民人來報今早賊匪竄在何家院山頂因附近

之黃成寨居民稠密欲圖搶擄已攻撲數次正

在危急臣卽驅兵下溝維時遙見春寧等所帶

官兵已搶上何家院半山賊匪亦搖旗吶喊放

鎗抗拒我兵愈逼愈緊竊料該匪等知有官兵

到來必捲撤攻撲黃成寨之人捨死前來抵禦

一面傳令前軍不得輕進

臣

一面躍馬督兵馳

上乃賊匪業經率衆撲下我兵有不能存立之

勢春寧等所帶之箭俱已射完尙在督兵力擊

春寧右腿被賊矛刺破靴鞅傷馬春寧跌下坡

坎左胯傷骨格布舍之馬亦被賊戳死墮崖受

傷尙不甚重侍衛色玉慎兩腿俱受矛傷遊擊

衛廣福額顛猝中賊箭守備傅廷佐左頸受矛

傷弁兵中亦間有跌傷之人維時臣已逼近賊

匪督率官兵奮力直前刀砍矛戳立斃賊匪數

十人賊遂奔竄官兵乘勢追殺越過大嶺數重

斃賊二百餘名賊隊中有手執白旗一人指揮

衆賊往來衝突勢甚兇悍經我兵放鎗擊傷旋

卽拏獲供認係樊人傑股內北路總兵賈正舉

又獲有賊目田聰嚴加訊問該犯等僉供徐添
德王登廷冉添元樊人傑本日均在一處官兵
到來時見徐添德等已翻山向白水洞逃走旋
據穆克登布等差人稟報帶兵行至白水洞山
林聞人聲嘈雜官兵于林內潛伏見賊衆銜尾
而來阿哈保穆克登布帶兵將賊衝斷兩頭趕
殺統計斃賊五百餘人生擒男婦四百餘人滾

岩跌斃者甚多搶獲騾馬刀矛等件并孥獲徐
添德等駭內探馬頭曹金榜等七名守備黃啟
焜千總許振超奮勇衝入賊隊殺賊陣亡佐領
吉林阿左膀受石傷驍騎校富昌受石傷二處
查此次兩路殲獲賊匪共有一千數百名而首
逆尙在兔脫實爲焦憤次日臣復與阿哈保等
分路在土地垵鷹背梁搜捕六十餘里所獲賊

匪男婦又有一百餘人訊知餘賊均向分水嶺

茅壩普光寺一帶分頭竄去臣仍督兵趕緊剿

辦至川東地界現有七十五朱射斗等領兵截

剿張子聰伍金柱兩股竄匪該匪人數無多已

飭令一面趕緊剿滅一面緊顧東面其西鄉境

內賊匪經德楞秦帶兵剿辦大率俱已入川卽

或別處奔逃總不出通江南江太平東鄉巴州

一帶日內倘與德楞素相合盡力剿辦更易完
事再春寧前令馳赴開縣一帶協同朱射斗剿
賊因春寧未接知會之前已自達州帶領屯兵
起身由太平取道來

臣

軍營

臣

又據朱射斗稟

報已與七十五合爲一路其馬隊官兵有侍衛
噶達鼐等管領亦甚妥協春寧可以毋庸前往
今春寧身受重傷次日令人醫治骨縫甫合但

集元牙臣之聖廟名王
三

恐一時未能卽愈侍衛色玉慎傷亦頗重已就
近令赴達州暫爲養息其餘傷亡弁兵鄉勇容
另查明咨部所獲賊犯除將僞總兵賈正舉賊
目田聰等及從逆日久者分別凌遲正法外其
餘脅從之男婦人等一百餘名口仍分別釋放
又此番官兵連日趕剿賊匪逃散者不計其數
多有投向各寨經寨首等送到者臣恐其中或

有奸計詳細查詢實係悔罪投誠且有附近各
寨首情願具保當俱剴切曉諭飭令各安生理
額勒登保又奏言竊臣准倭什布咨稱遵

旨將山西官兵三千名全數撥赴德楞泰軍營以資
剿捕旋又接德楞泰來信因現在追賊緊急逐
日遷移無定恐此項山西官兵一時不能趕及

軍營徒勞跋涉臣酌量派撥以爲堵剿之用

伏查賊匪奔竄無常堵與剿皆關緊要此時各
股逆匪離楚已遠該省邊界又經倭什布另行
籌備自必妥協陝省之西鄉一帶乃川陝交界
之處山深嶺大賊匪易於竄匿近經德楞泰在
該處一帶生擒高均德等後將各股竄匪痛加
剿殺逼向川境目下固已肅清但該匪等不突
狼奔亦難料其不再行折竄西鄉原有防兵不

甚充裕茲山西叅將德爾清額所帶官兵二千

名係由平利紫陽前進距西鄉已近

臣

一面傳

知德爾清額將所帶官兵二千名徑赴西鄉一

面行知王文雄於此項官兵到後卽於各要隘

添設營卡協同該處原有兵勇嚴加堵禦遇有

賊匪竄至卽相機截剿並知會松筠就近指撥

至叅將李芝榮等所帶之山西官兵一千名係

從巴東取道四川之奉節梁山一帶而來刻聞

德楞泰剿賊將近川省南江通江等處臣卽飭

該叅將帶兵徑赴通江之德漢城暫行駐劄該

處地當扼要賊匪易於出沒卽可藉資堵截如

德楞泰追賊入通江南江地界就近調用亦甚

便捷再據倭什布咨稱該省帶兵官員不敷調

派囑將前經留駐巫山之湖北叅將吉林泰烏

爾卿額二員撥回楚北因思該叅將等歸於本省防堵自更得力於接客後當派副將明善前往巫山更替卽飭吉林泰等二員速回湖北聽候倭什布調遣

額勒登保又奏言

臣

欽奉

諭旨令將明興調赴軍營酌給兵丁剿賊查明興世

受

國恩前於開縣坐守心實不安其冒昧陳請酌添
兵馬之事思欲竭力圖報但明興年逾六旬且
去歲新受重傷臣每日趕賊打仗行走八九十
百餘里不等恐明興未能騎馬緊跟查開縣有
一窪地並有積貯糧米前明興在彼設立營寨
賊匪未敢侵犯明興亦曾帶領兵勇打仗此時
若調至大營該處又須另遣人員前往接辦請

將明與仍留開縣暫住俟臣趕賊至開縣時再

酌量給予兵丁令其與小股賊匪打仗奏入

上命軍機大臣傳諭額勒登保曰徐添德王登廷冉

添元樊人傑等股匪聚集一處恃其人衆分合無

常冀圖牽綴官兵並欲阻擾糧運實屬狡譎可恨

經額勒登保分撥官兵相機進擊生擒偽總兵賈

正舉賊目田聰又經阿哈保穆克登布於潛伏時

將賊匪衝斷剿殺兩路殲擒共一千數百人所辦
俱好惟閩摺內稱春寧格布舍色玉慎等俱因奮
勇剿賊受傷而春寧色玉慎受傷尤重閱之淚下
至額勒登保於剿賊時躍馬督兵甚爲屢念春寧
等得受重傷已屬不值至額勒登保係經畧大臣
爲賊匪屬目之人倘輕身赴敵或稍有踈虞豈不
更損失威重況侍衛將弁等因傷調養不過少一

帶兵之人額勒登保則係指揮調度大員非他將可比嗣後於進剿賊匪惟宜督兵追擊往來策應臨陣時務加斟酌斷不可親自搏戰冒險輕進額勒登保素性奮勇當仰體朕懷倍加慎重也至春寧因右腿被子刺穿靴襪傷馬致跌卽與臨陣受傷者無異著卽照受傷例給賞並加恩授爲御前侍衛格布舍本係副都統銜著挑在乾清門行走

色玉慎著陞爲頭等侍衛其餘受傷之遊擊銜廣福守備傅廷佐佐領吉林阿驍騎校富昌俱著遇有應陞之缺先行補用仍將各該員傷痕會否痊愈之處遇便覆奏以慰朕心其陣亡之守備黃啟焜千總許振超均咨部賜卹現在賊匪經此次痛剿之後勢尤窮蹙而德楞泰已由西鄉一路帶兵赴川卽日可與額勒登保會晤伊等或分爲兩路

或合在一處總在臨時相機辦理自更易於集事
此時額勒登保固當上緊剿辦亦不可因亟欲竣
事心存急遽轉致辦理草率前因軍務歲功期於
完善是以降旨令於兩三月內將大股賊匪以次
剿淨額勒登保此時如已趁官兵勝勢將著名各
首逆全數擒獲大局可以辦定固屬甚善否則卽
於兩三月後歲事亦不爲遲惟在剿辦一股卽肅

清一股不使稍留餘孽方爲盡絕根株至所奏酌
撥山西兵丁分赴西鄉通江用資堵剿俱合機宜
自應如此辦理又據奏請將明興留於開縣防堵

該處係糧運往來地方明興在彼旣屬得力且據
稱伊曾打仗受傷著照所請仍留開縣駐守不必
另派他處帶兵也阿哈保穆克登布設伏擊賊甚
爲得力著交部議敘

同日德楞泰奏言竊查龍紹周張世龍等匪由
龍池場七寨子折回通江太平惟張添倫張金
魁王添成並王三槐餘黨符曰明庚向瑤等約
共四五百人合夥西行其龍逆等賊當經札致
額勒登保就近分兵剿辦臣顧其西北卽帶兵
緊躡賊蹤翻越界嶺由通江南江交界之空山
霸漆樹桎桂花園一路前進沿途頗有斬獲初

四日兵抵嚴灘探得張添倫張金魁符日明度
向瑤宋履子王添成等分屯於平河空木河等
處又據獲犯供稱聞該逆等欲至廣元寧沔繞

過漢江是各逆總欲過江北竄實堪痛恨初五

日督率阿穆勒塔並侍衛將弁等帶領馬步官
兵由土地壩直取平河進剿令賽冲阿温春札
勒杭阿等帶領馬步官兵繞出空木河抄截迨

臣兵抵平河詎該逆已知官兵前來先於箐林中設伏突出迎拒幸官兵奮勇鎗箭齊發立殺賊二十餘人登時潰敗而逃官兵乘勝追殺而空木河之賊亦經賽冲阿等剿敗兩處賊匪俱由大埡旁回身捨命抗拒兩路官兵併力兜剿又殺賊百餘名賊始披靡亡命奔逃官兵追殺直至金厰嶺賊卽丟棄馬騾翻入箐林老山遁

去此次除棄械逃散外約殺賊五百餘人殄斃
王三槐之僞元帥呂其仁生擒蔣正朝駱毛氏
等男婦二百二十一名口搶獲馬騾鎗礮器械
衣物極多所獲各犯分別辦理復據差探稟報
張添倫王添成等股賊匪連夜由岳溪河翻老
山向寬灘河一路奔逃張金魁符曰明等股賊
匪由黃柏埡竄至野人村屯紮查寬灘順河而

上卽可直達廣元寧沔大道過河則通七眼洞

又可直奔黃官嶺臣帶兵由觀音壩繞至寬灘

河截住賊頭官兵突出極力痛剿又殺賊三百

餘名擒獲魏佳義等二十二名滾巖落河者甚

多該逆等祇剩千餘人馬十數匹卽折回老林

仍由岳溪河翻金廠嶺箐林向南而遁惟符曰

明等雖係餘黨又有張金魁合夥人數尙有三

千餘名而野人村係廣元所屬亦可徑通寧沔

臣

由寬灘河取道橫擔梁繞出西北次日至野

人村後山賊匪毫不知覺我兵分路殺入賊衆

驚慌亂竄維時對面山腰埡子屯紮之賊見官

兵剿殺竟敢傾巢下山前來救援臣俟其盡下

時急令我兵分投抄出賊後三面兜剿鏖戰良久
久殄戮極多賊衆不能抵敵分兩股敗竄一由

野人村竄入西山老林約二千餘人當今溫春

札勒杭阿等帶領步隊進林跟追一由順溝而

逃者四百餘人臣督率賽沖阿阿穆勒塔等帶

領吉林索倫馬隊趕追二十餘里全行剿盡其

竄入老林賊匪因路徑偏仄羊腸一線擁擠不

開不但馬騾什物盡行丟棄竟有後賊戳殺前

賊奪路奔逃者官兵追殺四十餘里除沿途斬

殺滾巖擒獲外約剩賊匪六七百人竄至鷹嘴
崖詎該處崖高十餘丈絕無路徑後面官兵緊
跟追殺逆衆遂棄械徒手盡皆墜崖而下經兵
勇繞出崖下殺斃甚多其生逃者不過三百餘
人當卽派兵跟追並差弁遞傳遠近各寨一併
嚴查遍山搜捕查兩股賊匪統衆三千餘人官
兵追剿痛殺共有一千六七百名生擒賊匪男

婦八百六十四名口復派兵四處搜捕又獲賊

匪三十一名生擒王三槐之僞總帥符曰明並

其妻王氏張金魁之僞元帥王佐銀耿均榮冷

添祿之妻楊氏惟在逃之張金魁一犯據符曰

明等僉供於空木河被剿情急是夜帶二三人

翻金廠嶺箐林潛逃

臣

隨派幹練弁兵星夜前

去督同各寨首細加搜查務期必獲其度向瑤

一犯據各犯僉供年逾六旬實不營事生死不知查該逆係出名首逆亦派兵於鷹嘴崖一帶逐加搜查再近來所獲各賊俱多赤足蓬頭形如菜色勢實萬分窮蹙故必夥合數股之衆竄走無兵之處以冀苟延殘喘而臨陣投出者究屬寥寥每訊獲犯咸知投順概准免死並酌給銀米路票歸業無如該逆等頑梗性成猶復嘯

聚滋擾執迷不悟實屬罪惡貫盈自取誅戮至
現在川省地方洞寨聯絡險固可恃而又盤查
嚴緊賊匪往來不但無人可擄卽一切糧食牛
馬無不屯養寨內當此嚴冬饑寒交迫賊數日
漸滅亡官兵益覺驍勇趁此機會多殺一賊卽
少一害掃除一股卽去一孽臣擬卽帶領得勝
全師自北而南逐一搜捕並探剿張添倫等股

賊匪且通江南江一帶相距太平不遠如或與
額勒登保兩軍相近即可面商熟籌趕緊剿辦
至首逆符曰明係東鄉首先謀逆之犯與王三
槐冷添祿等同惡相濟茲幸生擒應檻解達州
交魁倫盡法處治凌遲示衆其楊氏王氏俱應
緣坐亦應一併解送查辦俟軍行就近何縣卽
飭交該縣小心管解僞元帥王佐銀耿均榮俱

係襄陽首先謀逆之犯

臣

於訊明後卽臠割處

死所獲各犯訊出實在難民男婦張元中李王

氏等二百五十二名照例省釋外其夏可彥

潘國明等六百四十三名俱係從逆起事及焚

掠戰手一概駢誅再連日打仗有賞戴藍翎雲

南戰兵姚亮受傷陣亡四川外委陳如奉被石

傷右膀損骨其餘滿漢兵勇傷亡者俟查明再

行咨部辦理奏入

上命軍機大臣傳諭德楞泰曰各股賊匪總思由寧

沔一帶偷渡漢江經德楞泰等痛加剿殺不令北

竄並生擒賊首多名所辦甚好德楞泰著賞給玉

搬指帶環大小荷包溫春阿穆勒塔著各賞玉搬

指轟藥葫蘆大小荷包札勒杭阿賽冲阿各賞給

玉搬指玻璃盒大小荷包以示獎勵其受傷陣亡

之戰兵姚亮著咨部賜卹此次擒獲之符曰明卽
係王三槐之僞總帥而令添祿之妻楊氏亦被擒
獲可見從前拏獲逆首王三槐冷添祿二犯其餘
黨至今尚有留遺前此勒保等奏報情形俱非確
實今張添倫張金魁俱已南竄德楞泰自應乘此
勝勢上緊追擊將各首犯按名擒獲每獲一首逆
必須將此股夥黨悉數殲除卽其妻子等亦不留

餘孽方可云辦淨一股切不可因年內亟欲蕝功
惟思擒獲首犯卽可奏報完竣設已報蕝功大兵
撤後餘黨又復潛出滋擾則更不成事體德楞泰
等固當上緊剿辦但不得草率從事致根株稍有
未淨也至所奏川省地方現經民人保聚自守洞
寨聯絡險固可恃及賊匪無食可掠窮竄饑窘各
情形皆與朕近日所聞符合自係實情此時德楞

秦等在通江南江一帶距額勒登保軍營不遠更可兩面夾擊惟當相度機宜協力奮剿應合則合應分則分朕亦不爲遙制至現在臨陣投出者寥寥諒係逆匪等罪惡貫盈自知萬無生理是以不敢投出此等頑梗匪徒亦惟有臨陣殲戮實亦罪由自取也

同日

上諭內閣曰著於部庫撥給銀五十萬兩照例撥解

河南交與吳熊光支發軍需等項

如兵部查核軍需項下撥給銀五十萬兩照例撥解

參補酌量軍需項下撥給銀五十萬兩照例撥解

賑濟國帑賑濟不款撥除軍需項下撥給銀五十萬兩照例撥解

尚書而夾雜謝旨以賑濟軍需項下撥給銀五十萬兩照例撥解

尚書而撥取而五十萬兩照例撥解

欽定剿平二省邪匪方略正編卷一百三十五

己未年

十一月二十四日

戊寅

松筠奏言

臣

遵提永保明

亮與肇慶成詳加訊究並提証佐人等隔別查

詢所有明亮兩次貽書永保令其駐紮大山岔

又叅奏永保久住未動一節最爲緊要關鍵茲

已質對明確其始慶成永保如何議定永保暫

停大山岔原委明亮本不得知核其寄信日期

明亮初次復書之時實因賊在鎮安北面空虛
大山分本屬緊要兩小股賊匪又在商州鎮安
等處奔竄故有此札至明亮具奏永保久住則
因張漢潮大股賊匪業經西竄離大山益已遠
實不知永保業已移營斜峪關堵禦最後明亮
所寄之書又因賊匪已入甘省斜峪關無庸防
堵追兵甚多亦無須永保趕來且鎮安一帶尙

有小股賊匪所以商之永保或仍回大山岔布
置是軍務情形逐日不同均係隨時斟酌並非
明亮有心傾陷永保

臣

復質訊慶成永保所供

俱屬無異至明亮在龍駒寨樂莊牧護關三次

打仗有無捏飾

臣

以趙洵之書逐一訊問據明

亮供自得叅贊後各處營卡官兵鄉勇俱應隨

時調度預將堵剿機宜詳悉指示地方官並該

處鄉勇確探截剿五月十九日龍駒寨地方鄉
勇打仗殺賊及明亮督兵趕到該匪已竄大商
塬所有擒獲賊匪俱經解到軍營二十一日變

莊打仗係豫撫吳熊光派來河北鎮張文奇與
明亮前隊探路兵勇擊賊該匪由旁徑翻過界
嶺明亮趕至牌樓溝口賊匪四出狂奔明亮飭
令豫省鎮將並督本營官兵由燕子河分道抄

擊將賊匪逼回陝境六月初三日賊匪在牧護
關聞有兵勇卽行遁走明亮並未具奏打仗其
米湯河地方係賊匪折回該處明亮馬隊從山
而下賊匪卽四散奔逃追至湯峪口賊匪後隊
矛手在張家寨已被本地百姓同官兵齊力追
殺賊又竄走所有奏過一次擒獲賊匪黃文禮
等七十三名係在河南境內內有從賊起事之

人二十七名立即正法其餘四十六名交河南
地方官辦理至各處兵勇沿途擒獲並百姓捉
獲送到軍營逐日發交隨營各員分別辦理總
計實有其數摺內所敘係奏齊逐日散數而言
所以趙洵說三次發交均屬子虛其摺內未將
鄉勇打仗分晰明白實屬昏憤糊塗愧悚無地
訊之與肇及知府趙洵外委張起鳳供亦相符

明亮身爲叅贊無論官兵鄉勇皆其統轄調度
如果據實聲敘未嘗非功而摺內籠統歸之官
兵打仗僅於湯峪口畧敘本地百姓數百人助
官兵殺賊雖較之以無作有任意欺罔者有間
而敷衍朦混實屬冒功可恥至張起鳳前供明
亮有你不實說卽可殺你之語訊之明亮據稱
張起鳳隨營數月我並不知道嗣因軍營恐有

閑雜人等冒充隨營沿途搶奪食物派弁巡查
迨查出張起鳳詢問來此之故曾囑令沿途不
可生事並言我的軍法若有藉稱隨營沿途搶
奪查出定要處死係警戒大眾之言實非專爲
伊說訊之明亮隨從弁兵供亦僉同而張起鳳
仍堅執前供或係一時錯聽此事尙無關明亮
罪案輕重明亮之罪總在朦混敷衍不克及早

歲功卽以近事論之旣不能截賊匪之潛入甘境又不能遏賊匪之逃回陝省其布置乖方耽

延貽悞已可概見此明亮之實在情形也永保

華陽失利及保奏將弁各情形業經那彥成查

訊明確具奏臣復嚴加詰問所供相同永保以

棄瑕錄用之人自應趕緊立功力贖前愆當賊

匪竄出益門鎮之時永保同慶成帶兵追趕幸

而逼進子午峪復入南山正可趁此機會竭力
剿洗乃必俟明亮夾擊又在鎮安一帶牽制於
分股之賊以致耽延其後駐紮大山岔布置北
面各隘口核以明亮慶成所供固屬無異但殺
賊係分內之事緩急情形隨時自審何須詢問
明亮以定行止是華陽失利之後其氣已餒畏
憊遲延顯然可見此永保之實在情形也覆訊

慶成所供追賊逼近子午峪及在二郎壩等處

剿殺分股匪犯其後由大山岔分兵西進追剿

張逆均與原供無異前則隨同永保行止稽延

多日後雖分兵追賊究未能趕上賊匪遲悞之

罪亦無可辭與肇同明亮一路剿賊打仗情形

自當據實奏報而於明亮摺內籠統朦混之處

既不能斟酌更正又不能及早檢舉實屬扶同

臆混至永保慶成明亮得受湖北餽送銀兩均
已供認不諱據稱俱經賞給兵勇實無肥已情
事軍營賞需雖屬不可已之項廉俸如有不敷
亦當奏請

賞借豈得以公項私相與受雖不入已應以入已論
至永保得受畢沅胡齊崙銀八千兩雖在革職
解京之後固非因事受財亦不知係出自官項

然收受既多並不問其由來自未便照去官受
舊部財物減在官時三等及無官犯贓有官事
發依無祿人科斷稍滋輕縱

臣

閱勘供詞核對

前後情節明亮永保如果各盡其心各竭其力
聞賊卽追見賊卽擊賊匪白可早就殄滅其弊
在各佔地步永保惟恃明亮之緊追明亮惟恃
永保之迎擊賊情百變山徑紛歧並不思設法

集三才圖會卷之三
七
殲擒徒欲因人成事緩則互相札商急則互相

訐告以致貽悞軍機兩人之罪均不可追慶成

帶兵之日較明亮爲淺追賊之日較永保爲多

而受任三月大股首逆旣不能除小股賊匪又

不能滅總屬貽悞查律載失悞軍機者斬監候

又載不枉法贓各主者通算折半科罪一百二

十兩以上絞監候今明亮永保慶成兩罪並發

從重科斷除得受湖北餽送以入已論不准減
等依不枉法贓律絞監候輕罪不議外合依失
誤軍機者斬監候律明亮永保慶成均擬斬監
候興肇隨同朦混應於明亮罪名上減一等杖
一百流三千里係屬宗室應請發往新疆効力
贖罪明亮永保慶成罪名甚重臣派委知府崇
祿遊擊李英多等押解來京送交刑部興肇暫

留漢中候

旨發落

松筠又奏言臣遵查明亮等前奏在甘肅三路

圍住張漢潮實在情形除密差幹役陳法前赴

該處細爲訪查並節據成徽二縣稟覆臣逐一

核對緣張漢潮於九月初五日由鳳縣之藍家

關竄入甘境兩當縣李家堡一帶初六日由兩

寧之蒲家堡竄至徽縣之永寧河明亮留恒瑞
在東面防堵伊同興肇帶兵緊追初七日賊匪
由徽縣北竄至成縣橫川鎮初八日竄至麥羅
澗初九日竄至大川壩欲渡犀牛江正遇護都
司高興榮自階州帶領病愈兵丁八十餘名趕
赴索費英阿營盤行抵江濱見賊匪搶船欲渡
督率兵丁及該處鄉勇放鎗擊打賊匪不得渡

江南至階文遂折回西竄初十十一兩日在西
河之養馬城等處滋擾明亮等由野雞溝追及
賊尾殺賊二十餘名十二日賊匪聞撒拉爾回
兵自禮縣西來遂北竄成縣之黑峪河屯聚石
家坪達家莊王家磨三處明亮興肇於是日起
至陳家莊連夜進兵十三日四鼓時至達家莊
賊匪正在酣睡兵勇掩入在屋內者盡被殲斃

餘匪驚起狂奔逃入三尖山老林其石家坪王家磨兩處賊匪聞信亦全入老林官兵乘勢勦截殺死及跌崖者約有一百餘人騾馬沿途拋

棄臣細詢陳法令其指畫形勢及各路官兵堵

勦之處三尖山距成縣城五十餘里卽明亮摺內之天賜山也東連吳家山黃草山重山疊峰深林密箐百有餘里本非兵力可以合圍明亮

所派之侍衛莫新富蘭副將多爾濟扎普等在
廟兒埡等三處堵截皆在西南一面明亮知恒
瑞帶兵已至黃渚關在山東面又聞廣厚帶兵
自秦州趕來已當北面其東北一角皆係懸崖
陡岩不特馬不得過人亦難行遂謂張漢潮已
入絕地斷不能再稽顯戮不知十三日賊匪入
林之後自三尖山左坡東竄至走馬坡遂入清

水溝經恒瑞派總兵觀祥帶兵入山迎頭截殺

殲賊數十名匪衆折回西北出牛尾溝正遇廣

厚兵抵溝口不敢接戰仍折至東北遁入老林

乘夜翻黃草山攀援藤葛滾崖而下由麻蛇溝

至三渡水廣厚趕至晒經寺賊匪已由三渡水

至徽縣之教場壩十四日遂至秦州之娘娘壩

所過並不停留由新橋復回陝境是彼時本未

圍住賊匪該匪亦未突圍而出恒瑞廣厚分投
截拏賊匪並非由此兩路竄出與肇明亮同在
西南督率三處將弁防堵吉蘭泰索費英阿之
兵尙在甘省東界往來堵截距三尖山更遠其
賊匪逃出之東北麻蛇溝一路實無官兵明亮
情形不熟一聞土人之言謂東北一路崖岸陡
險賊匪斷不能越過以爲萬分穩妥昌味入奏

實屬昏贖糶塗之至再查恒瑞於三月中曾在

漢中糧臺提銀一千兩犒賞兵丁因不敷用又

取五錢重銀鏤三百個五錢重銀牌二百五十

面共銀二百七十五兩臣查銀牌銀鏤軍營賞

項勢所必需且爲數有限將來應入報銷惟所

提賞需銀一千兩是否實係犒賞兵丁抑或從

中染指自應嚴行查究再遵查永保慶成此次

到陝有無染指需索各情弊當提承保嚴訊據
供我自本年四月到陝接印卽帶兵進山剿賊
並未辦理地方事務通省屬員除路過接見之
外其餘多未見面實無向伊等需索情事我係
新任上司向不認識屬員亦不敢冒昧餽送至
軍營大小官員俱係按照品級支領鹽菜口糧
夫騾腳價我有巡撫養廉可領不敢支領分例

自己一切用項俱係支領養廉並未敢動用軍
需銀兩我係本省巡撫亦有稽查軍需之責所
有例應動支賞項糧臺俱有領紙可據我並不
經手無從侵用凡隨營文武及通省官民皆可
查問又提訊慶成據供此次來陝數月一切皆
係按例供支未敢額外多索亦無得受餽送

臣

前經札飭西安漢中兩局查對底賬永保慶成

並無提用之項現又札調糧員謝國楨朱繼武
攜帶糧臺賬目當面確切查訊又密差家人至
西安及永保慶成所過之處細加訪察俟查明
後再行核奏均奏入

上諭內閣曰明亮永保等帶兵剿賊種種遲延玩悞
捏飾謊報及得受餽送各情節松筠所擬俱屬按
律辦理除明亮永保俟解京後另降諭旨外與肇

本係糊塗無能其在軍營帶兵惟知隨同明亮支

吾朦混節次明亮所發奏摺或竟未與興肇閱看

卽打仗處所亦未必親到祇係隨同列銜其罪較

輕非因伊係宗室卽從未減興肇著改發烏魯木

齊効力贖罪交與興奎嚴加管束慶成從前帶兵

曾經受傷此次係自行屢請前往軍營且擊斃張

漢潮時亦尙能跟蹤追躡伊以受傷之人尙思出

力情殊可憫而其從前在湖北軍營剿辦賊匪彼時係永保總統景安在豫防守慶成祇係帶兵協同剿賊之人賊匪闖入豫境竄往陝西亦非其貽悞慶成著改發伊犁効力贖罪交與保寧嚴加管

束

上命軍機大臣傳諭松筠曰據奏恒瑞于三月中曾在漢中糧臺提銀一千兩因不敷犒賞又續取銀

鏤銀牌共二百七十五兩恒瑞提取此項銀兩如
松筠查明實係犒賞兵丁並未從中染指自可毋
庸深究倘有冒支入已情事仍著據實叅奏

同口

上命軍機大臣傳諭額勒登保德楞泰魁倫松筠廣
興曰現在川陝追剿賊匪屢有斬獲賊勢已極窮
蹙大功將次告竣因思鄉勇一項其民間自爲團

練者聚則爲兵散則爲農事竣後自可無庸另行
安插惟雇募鄉勇俱係外府州縣之人其中良莠
不一俱係應募充當將來事竣之後若不妥爲安
頓則此等無業民人仰食無資或有不安本分之
徒又復乘間滋事若俱籍爲兵丁又安得有如許
兵缺現在鄖陽五郎等處正議添設營分駐劄彈
壓其額設兵丁應須召募或卽將此等雇募鄉勇

令其入營充伍亦安插之一法著交該督等入於善後事宜妥爲籌辦務令人人得所綏靖地方再前據那彥成奏富成所帶兵丁皆被褐無禪此等兵丁均係爲國敵愾之人全在士飽馬騰方能奮勇殺賊若任其衣被襤縷豈能用命前已有旨賞給那彥成銀六千兩俾作爲賞需之用今著再賞額勒登保銀一萬兩德楞泰銀五千兩以充賞項

但額勒登保等總須留心察看擇弁兵中打仗最爲出力及實在貧乏者酌加獎賞不可因有此賞項卽行濫賞遇有格外出力者轉無可酬其勞績從前辦理軍務本無賞需一項卽有官兵打仗出力者亦皆由特旨酌量賞給錢糧等項自福康安承辦軍務始開賞號之端任意於所過省分及鹽政關差等濫行支用供其揮霍以致兵丁等竟視

爲常例長其驕志而此次明亮永保等皆藉詞賞

需任意支領甚至借端罷已多有浮冒但此項賞

需相沿已非一日若遽行裁去又恐帶兵大員辦

理周章然竟漫無節制又豈核實辦公之道總之

軍務現已垂成固不必存愛惜小費之見亦不得

濫行賞用虛糜不繼也所有額勒登保德楞泰應

支賞項亦著于四川藩庫給發不必入於軍需項

下支銷又本日召見貴州知府孫鑑吳民秉二員
俱係從前剿辦狎苗時管理糧餉之人朕詢以彼
時糧餉如何解送情形據稱均係親身押運撥兵
護送並令家丁持械幫同防衛是以如期解到並
無貽悞是前此貴州運送糧餉尚爲妥協用能成
功迅速今川省前解餉銀因道路梗阻曾雇覓民
夫令其懷揣元寶問道遞送此等民夫皆係臨時

充募非在官人役可比揣銀繞道行走並無官兵
護送安能保其途中不遇賊被掠且民夫等或私
行逃逸或將元寶藏匿謊稱被賊掠去亦無從查
核辦理殊未妥善魁倫松筠廣興嗣後于運送糧
餉等項務須遴選妥員派兵護送以期速達而不
致踈虞爲要

二十五日

巳卯

那彥成恒瑞台布奏言竊

臣

等由

漁碕子趨赴秦嶺老林沿途林密山險皆舍騎
步行連日又值陰雨處處積雪冰凌溜滑登陟
爲艱賊匪見大兵追及倏分三股仍係牽綴官

兵乘隙竄逃故智

臣

等隨傳集將領督率鼓勵

分投進剿副將多爾濟扎普等由化山前進侍

衛英杜等由熊掌溝前進綸布春由黑肫肫清

水河前進侍衛富蘭等赴柴家關堵截叅將李

天林等赴木子坪一帶堵截總兵長春赴大壯

坪堵截其東路江口八里坪一帶飛札知府朱

勳帶領鄉勇堵截其竄至安溝一股賊匪經多

爾濟扎普英柱等合擊賊匪蜂湧前來迎拒我

兵佔據山梁從上壓下衝入賊隊賊始敗逃兵

勇奮追殺賊一百三名生擒十五名其竄至板

房子一股賊匪經綸布春分兵左右抄擊衝突

良久賊匪不能抵禦四散潰敗殺賊一百十八
名生擒四十八名奪獲軍械等件其竄至八里
坪一股知柴家關大壯坪木子坪有兵不敢竄
出遂復竄往沙坪適遇朱勲所帶鄉勇首沈德
等在彼堵禦賊匪拚死衝撲鄉勇等將在前賊
探擊斃奪旗三面賊稍退却旋率大夥賊衆壓
下往來衝突數次殺斃賊探頭目張進忠一名

帶旗高正國一名餘賊十餘名生擒六名奪獲

鎗矛等件臣等現又派令綸布春等及多爾濟

扎普分路向西緊追並飛札總兵觀祥由秦嶺

西南迎截臣恒瑞亦由老林帶兵前來會晤面

商並提訊活賊戴興科據供緊要賊目冉學勝

高遇春劉掌櫃等俱向東竄臣等卽分帶官兵

向東北進剿惟賊竄處所不出老林祇可步行

躡剿趕緊追及鎗礮又難施展是以屢次擊賊

均係刀矛接仗不能痛加殲戮臣等焦急萬分

惟有竭力籌剿斷不敢民滅天良自貽重戾再

官兵自入老林剿賊以來人人思奮而綸布春

帶兵深入不避艱險臣等見其奮勇前進殺賊

獨多尤爲超衆出力奏入

上命軍機大臣傳諭那彥成曰此次那彥成等分撥

將領在秦嶺一帶將奔竄賊匪趕緊剿殺殲賊二
百餘名生擒六十餘名所辦皆好惟賊匪因大兵
追擊皆向老林竄匿樹密山深致官兵鎗箭難以
施放其狡黠情形實爲可恨閱摺內所奏該處山
勢險峻又復冰凌溜滑帶兵各員皆舍騎步行可
謂辛苦備經那彥成係朕特派帶兵之人自不肯
絲毫怠緩朕所深信軍旅重寄必當慎重辦理斷

不可急欲見功轉致草率現在賊匪依險窮奔不
過苟延殘喘那彥成惟當設法相機剿辦不應冒
險輕進況九月內朕自

裕陵回京後各路軍營陸續拏獲包正洪高均德符日
明殲斃張漢潮各首逆明春祇謁

裕陵亦可上告

皇考在天之靈本日在

壇齋宿明辰恭遇

皇考升配適接那彥成奏報披閱之餘幾於不忍覽竟

那彥成惟當仰體朕懷遵照前降諭旨將各股竄

匪剿捕淨盡再赴川省協剿卽稍遲兩三月亦無

不可總當辦竣一股卽將此股餘黨殲盡方爲不

負委任轉不必過於促迫失之急遽也至所奏綸

布春帶兵剿賊不避艱險前因綸布春打仗出力

已降旨挑在乾清門行走今據那彥成奏伊奮勇
超衆情形尤爲可嘉著那彥成將保奏綸布卷之
處向伊告知以伊打仗認真出力業經具奏朕心
極爲嘉許嗣後如有勞績必當更邀恩獎伊自
益加感奮也

二十六日

庚辰

上諭內閣曰川陝兩省軍需本年節次撥給銀八百

餘萬兩此時大功將次告成一切撫綏善後事宜
需費尙多現在部庫存項足敷應用著再發給四
川一百萬兩陝西五十萬兩分作四起陸續解往
派副都統國霖管解頭起工部員外郎元福管解
二起刑部員外郎楊護管解三起其四起銀兩著
新調成都副都統定柱管解各該員到陝西時先
將五十萬兩交付松筠再將一百萬兩分起解赴

川省交付魁倫廣興俟兌收清楚國霖卽回京復
命定柱赴經畧軍營面見額勒登保後卽往開縣
帶兵堵禦更換明興回京供職元福楊護二員著
留於川省以道府補用如川省候補道府較多卽
著魁倫將該二員咨回陝西交與松筠差委遇有
陝甘道府缺出再行奏補

二十八日

壬午

廣厚奏言本年正月賊匪張漢潮

由利橋闌入秦州臣自省起程帶兵往剿途次

接據秦州稟報賊匪竄入汪家川之後拏獲探

信匪犯王登甫一名正在訊供旋據皂角舖鄉

勇蕭復有等稟稱有南來五十餘人從該舖經

過內有一人頭戴藍頂口稱官員赴秦救援該

鄉勇等察係賊匪冒充卽約會衆人假意迎接

引路蕭復有由小路赴城密稟該州王賜均會

同署都司吏目等帶領兵勇出城接應至河南
灘地方賊匪見兵勇人衆卽持械撲扎冀欲奔
逃各兵勇一擁上前刀矛齊舉將該匪等全行
殲斃奪獲騾馬鳥鎗刀矛等件該州王賜均隨
提王登甫指認據稱頭戴藍頂者係賊日人稱
張飛餘係鳥鎗矛子手邱理張有林等當將王
登甫正法等情臣當卽據稟附奏並復差弁前

往查驗各屍內有身穿女衣並有懷內搜出婦人鞋隻者又於其遺存包裹內起獲張漢朝僞令字旗一面僞木板諭帖一張經該弁携帶回

營臣驗明後仍飭交該州存貯嗣於十月間接

奉松筠密札以訪得秦州鄉勇前次所殺之五十餘人係明亮差往探賊之鄉勇向明山等令

臣設法傳喚擅殺之首從各犯訊明錄報核辦

臣聞之不勝詫異伏查秦州鄉勇所殺之五十餘人前據該州稟報揣度情形復查驗其偽令字旗偽木板諭帖等物皆屬賊匪柄據惟其被殺之月日人數均與松筠來信大槩相同似卽係明亮差遣之鄉勇且自去歲以來川楚教匪節次竄入甘境秦階一帶地方橫遭蹂躪因而土著居民一見川楚之人卽疑爲賊匪無不痛

心切齒前已有疑賊悞殺各案更難保明亮所

差之鄉勇必非秦州鄉勇戕害自須切實根究

嚴行懲辦惟臣已赴西寧此案人數眾多若逐

一拘提審訊轉慮秦州土著民人聞風驚懼因

思安肅道瑞亨現在調往秦州協同防守可以

就近審辦此案業經稟知松筠飭交瑞亨傳訊

如係明亮所差之鄉勇被秦州鄉勇疑賊悞殺

即行分別定擬具奏奏入

上命軍機大臣傳諭松筠廣厚曰據奏接據松筠密
札以訪得秦州鄉勇所殺之五十餘人係明亮差
往探賊之鄉勇向明山等此事甚奇該鄉勇等所
殺各犯如果係明亮差往探賊之人自必給有執
照即使未經呈出亦必隨身攜帶或藏在包裹內
何以並未起獲該犯等一見兵勇人衆即持械撲

扎且有張漢潮偽令字旗及搜獲女衣鞋隻又似
確係賊匪但該州鄉勇殲斃多人或竟係疑賊悞
殺迨自知錯悞恐干妄殺罪名輒行裝點情節其
所稱女衣鞋隻及偽旗木板等項全係該鄉勇等
捏飾具報亦未可定現據廣厚奏稱該處居民因
川楚教匪節次竄入一見川楚之人卽疑爲賊匪
前此已有疑賊悞殺各案若此案亦係該鄉勇等

疑爲賊匪卽行戕害至數十人之多則川楚民人必致心生疑懼不敢復向甘省境內行走殊有關係不可不查訊明確嚴行懲辦松筠係該省總督旣知明亮有差鄉勇向明山等赴甘探賊之事並經密札廣厚何以未據奏及殊不可解現已據廣厚令道員瑞亨就近審辦而松筠駐劄漢中現無要事俟瑞亨審訊詳報松筠時如有應行親訊之

處卽可酌提人証詳細嚴鞫倘該處鄉勇實有疑
賊悞殺情事卽行分別定擬具奏以示懲儆毋稍
不實不盡再林雋現因患病解任已降旨將楊揆
調補四川布政使廣厚補授甘肅布政使伊到任
尙需時日甘肅藩司事務需人辦理卽著松筠令
姜開陽接署以便楊揆速行交代赴川至陝省各
股竄匪屢經官兵逼剿勢已窮蹙此時賊匪究在

何處奔竄何股已經剿盡並著松筠迅速具奏

欽定剿平三省邪匪方略正編卷一百三十六

己未年

十二月初二日

乙酉

松筠奏言竊查德楞泰在西

鄉一帶殲擒張士虎劉學仁後張添倫張金魁

等匪南入通江向西奔竄德楞泰帶兵追剿其

樊人傑龍紹周唐大信等尚在西鄉境內游奕

王文雄於鍾家溝貫子山峽口堰口等處分布

堵截各股均先後出境任義蘭曾六兒一股由

五塊石奔星子山王文雄所派護都司張俊督
兵截擊殺斃賊匪四十餘人生擒楊昌武等四
名賊匪分出前隊直至梅湖漢王城等處欲搶
渡過江均經署漢陰廳高藍珍署石泉縣李樞
煥帶領鄉勇竭力擊退龍唐二逆由混人坪竄
至紫陽之高灘搭橋偷渡總兵柯藩帶領兵勇
趕到將賊衝爲兩截斃賊三百餘名淹斃二百

餘名賊匪退至望虎山半坡副都統額勒亨額帶兵趕到又殺賊二百餘名鄉勇趙慶蘭追及

龍紹周正欲往前趕拏該逆滾崖跌下趙慶蘭

擲石急打該逆墮河未知生死現在查驗屍身

殲斃偽元帥黃爾雄熊世洪二名小頭目李二

毛等七名生擒三十一名投出男婦二百餘名

口奪獲軍械騾馬甚多賊匪由六道河竄回川

省之龍行壩此次打仗官兵均屬奮勇而參將
玉福把總景普等尤爲出力據柯藩開敘勞績
懇請保奏應否量子鼓勵之處出自

皇上天恩又有小黃號小藍號線字號三股賊匪由
太平合夥竄入安康縣之官園東北向磚坪奔
竄道員溫承惠督率義首王英分帶鄉勇兩路
合擊該匪遂由茨蓬溝折回川境之羊耳壩而

辛聰顏中考等賊由大寧逼近湖北竹谿邊界

經倭什布分派鎮將截剿該匪遂退入平利縣

之鎮坪慶溥自白土關帶兵由土地埡老龍灣

一帶迎剿溫承惠聞信亦自磚坪帶領鄉勇趕

至苦竹灣黑虎寨防堵此西鄉以東紫陽安康

平利一帶近日剿堵情形也其西鄉以西城固

南鄭褒城等處居漢江上游入冬水涸淺灘處

處可涉寧羌沔縣在漢源之上並無一水之隔

尤爲緊要臣已札飭駐防寧羌之遊擊王興朝

慶麟等嚴密防堵嗣聞德楞泰由通江向南江

廣元追賊賊匪分股亂竄攻撲南鄭縣之大壩

小壩官壩花石梁哨風樓等處卡隘經道員文

需督飭楊忠李鳳等鼓勵鄉勇竭力擊退德楞

泰往來追擊多有斬獲餘匪又折回東竄現在

情形西鄉寧羌均關緊要臣仍留心查察隨時

督飭嚴密堵截不令北竄再遵查唐大信之妾

邱氏既據訊明係被賊裹去自應飭提該氏之

父到案令其認明領回茲據西鄉縣稟覆邱氏

隨父母避賊之時其父邱方顯及其母在前行

走均已遇賊被害邱氏落後被裹今得邱方顯

之親叔邱昇送案臣覆加訊問所供無異邱氏

實係被裹卽恭宣

恩旨令其認明領回其劉學仁陳鵬萬二犯當卽遵
旨委員押赴市曹分別凌遲斬決奏入

上命軍機大臣傳諭松筠曰此次賊匪欲渡漢江經
桐藩等併力截殺殲賊五百餘名其小黃號等股
竄入安康地方亦經溫承惠督率鄉勇截擊折回
川境所辦俱好惟是漢江上游入冬水涸處處可

涉寧沔一帶在漢源之上並無一水之隔松筠已
飭道員遊擊等分投防禦倘竄入川省賊匪被剿
緊急又復折回務須實在堵剿勿任賊匪偷渡漢
江爲要至所稱鄉勇趙慶蘭擲石急打龍紹周墮
河一節趙慶蘭尙爲奮勇出力著松筠查明如龍
紹周已落河身斃可將趙慶蘭賞給外委頂戴卽
龍紹周未經淹斃亦著酌加賞資至叅將玉福把

總景普等松筠僅稱打仗尤爲出力請旨量予鼓勵而於該叅將等如何出力應如何鼓勵之處並未奏明未便卽行降旨加恩著將玉福等在何處殺賊立功及作何分別陞賞再行詳悉具奏候朕另降諭旨至前派那彥成前往督師爲剿辦陝省竄匪松筠係該省總督自應與那彥成聲息相通昨據那彥成奏已由五郎入山搜剿此時行抵何

處會否將張漢潮一股餘匪剿盡松筠斷無不知
之理何以摺內並無一字提及豈松筠現駐漢中
祇知將紫陽一帶剿賊情形奏報而竟置那彥成
一路於不問耶軍營積習往往各顧各路心存畛
域松筠不應若此嗣後遇有奏報務將那彥成一
路剿賊情形隨時馳奏用慰廑注

同日

上諭內閣曰循化廳所屬撒拉爾番回前經調往甘肅協剿川匪頗爲出力及撤回循化時沿途亦甚安靜業已屢加賞賚所有該回民未完賞借折色口糧銀三千餘兩著再加恩全行豁免以示格外

體卹

初四日

丁亥

倭什布奏言

臣

接據探報辛聰一股

賊匪在平利之鎮坪左近往來散竄

臣

先已移

駐西溝督率西南各卡晝夜嚴堵嗣復探得又
有一股賊人從大寧之二郎壩東溪河向北奔
竄據山洞鄉民瞭望約有一千餘人行走甚捷
想係川楚官兵追剿緊迫所致當卽飛飭南面
蕭家坡大禾田等卡彼此聯絡會哨賊人知楚
省有備卽折走雞心嶺奔入陝境於十六日夜
間繞出西溝外焚燒數處賊探馬直至卡下經

臣

督同叅將海麟用鎗礮轟擊始行退去旋據

孫清元稟稱看得界外馬鞍山地勢扼要能顧

住西南各卡現已抄道赴該處防守又據報川

省提臣七十五已率兵由大寧徐家壩一路躡

擊前來

臣

飛卽告知賊蹤去向並飭孫清元相

機兩面夾剿詎該匪窺伺楚界在牛茅壩手扒

巖等處游奕十九日夜乘山中霧雨迷離翻入

馬鞍山後老林內四鼓時分股搶撲孫清元營

盤該鎮率兵勇躍出墻壕迎面格鬪互有損傷

把總朱先在前持刀砍倒二人猝中賊矛殞命

該鎮見賊勢洶湧恐其牽住官兵乘間分隊奪

路旁越當令守備吳純俊吳謙抵敵賊衆親自

分兵從東繞下山麓佔住隘口果有賊人數百

從西兜至千總洪耀德把總王大魁同時迎敵

身受重傷賊衆衝突益猛連撲四次兵勇盡力

抵禦時天已漸明

臣

各卡策應之兵分道馳至

該匪遠望疑懼輒撤回合夥西向尖山坪前遁

隨探知此股爲首係徐方德或卽徐添德改名

亦未可定業被川兵剿急前竄陝境今仍折向

西南各卡是其立意人楚已可概見幸官兵在

界外迎截未能闌人惟此時該匪尙在陝境鎮

坪一帶掠食定因平利有慶溥溫承惠帶領兵
勇攔剿不能西走其前次辛聰一股或先已入

川或與會合尙未探聽的確臣於二十一日移

駐西面河之玉潢頂一面飭孫清元仍駐西面
河並令七十五派來之遊擊劉貴朝暫紮雞心

嶺協同卡員都司周言昇防賊向東回竄仍飛
札慶溥等撥派兵勇自西面截擊現在楚境西

南如西溝西面河黑山頂石店河竹葉關等卡
情形實關緊要而大寧二郎壩西溪河一路聞
另有賊匪一股奔竄探得七十五已帶兵折回
兜擊是南面亦爲喫緊楚省邊界綿長設卡分
兵本無厚力此時界外既有三股賊匪必須相
度緩急何處緊要先就何處迎堵並咨商額勒
登保及七十五撥兵就近截剿臣惟有督率各

邊卡官兵勇竭盡心力晝夜加嚴守禦俾界
外敗竄各股賊匪不敢再有覬覦此次傷亡兵
勇另行查明咨部奏入

上命軍機大臣傳諭額勒登保倭什布曰賊匪因川
省官兵剿急從大寧向北奔竄繞出西溝焚掠並
搶撲營盤實屬可恨經官兵奮力堵剿始向尖山
坪逃遁但此時尙在陝境鎮坪一帶游奕總思竄

入楚界倭什布務當督率鎮將等分路防守不使
一名闖入把總朱先在前持刀砍賊猝中賊矛身
死殊爲可惜著咨部照例賜卹千總洪耀德把總
王大魁同時迎敵身受重傷甚爲出力著以應陞
之缺陞用其傷痕是否全愈並著遇便覆奏至提
督七十五係專剿此股賊匪自應乘勢直前追入
楚境與孫清元前後夾攻乃任賊分股搶撲孫元

元營盤而七十五又落賊後置之不顧竟帶兵折
回兜擊另股之賊似此各分畛域豈不仍蹈從前
軍營惡習耶如總督倭什布總兵慶溥道員溫承
惠等係專在本境防堵賊匪竄至該處各能奮力
截回不使闌入卽屬無過原不責以越境追賊之
事七十五乃專派帶兵剿賊大員非守土之官可
比無論賊匪竄至何處卽應跟蹤前往與本境防

堵之員彼此夾擊若前路有兵阻遏而後無追兵
則予賊以暇卽當窮蹙敗竄之餘而得有休息仍
可逞其裹脅伎倆豈非養癰貽患乎此等惡習不
可不重申嚴禁著額勒登保遵照諭旨轉飭七十
五並各路帶兵人員嗣後總當隨賊所向跟蹤追
擊不得以賊匪竄出川境卽行折回倘仍蹈前轍
必當嚴叅治罪

初五日

戊子

額勒登保奏言竊查徐添德王登廷

樊人傑冉添元等股賊匪前經

臣

於何家院白

水洞等處剿潰後該匪等分股盤折於東鄉巴

縣通江南江深山老林之內當派鎮將等分路

趕剿每日於四鼓起營行走計程百數十里賊

匪晝夜狂奔沿途落後逃匿之賊有經官兵搜

得者亦有經各寨拏送到營者逐日斬戮二三

十人至五六十人不等十七日阿哈保穆克登
布等行抵周家坪探得賊匪均從鸚哥嘴竄往
東君壩官軍趕至鸚哥嘴山下與賊只隔一山
該處係盤旋一線小路賊匪經過卽行挖斷阿
哈保穆克登布另踣路徑卽於二鼓繞出鸚哥
嘴黑暗中潛上東君壩之後山梁下視該匪等
散處民房號火炊竈人聲嘈雜已有起身他竄

之勢官兵隨即下壓鎗箭並發斃賊甚多迨下
至山坡賊匪竄入樹林時方夜半不能辨其去
向只可將兵撤上山坡天甫黎明見殲斃者有
二百餘人餘賊正在翻山亂竄穆克登布等領
兵趕擊臣帶同楊遇春等由楊北河一帶前進
適與竄出之賊相遇賊匪一見又復折奔楊遇
春格布舍等奮力追殺統計斃賊有三百餘人

生擒牟學才等一百餘人又於箐林內搜獲六十餘人訊出王登廷股內偽總兵王用奇並探馬頭牟學韓二犯嚴加鞫訊據供徐添德樊人傑數日前與王登廷冉添元尚在聚合嗣因官兵緊追恐擠在一處不能脫逃連夜先走徐添德之媳陳氏不能跟去現被擒獲本日在東君朝之賊係王登廷冉添元二股共三千餘人我

等被擊實在不知大衆下落並據王用奇供係

王登廷之堂弟餘無要供當卽正法

臣仍分兵

趕擊出南江官路口一帶二十日遂次觀山接

德楞泰來信在廣元野人村一帶剿賊二千餘

名將符曰明等生擒取道新店子前來十六日

在塘房壩地方探得徐添德樊人傑鮮大川楊

開甲等股賊匪由官路口過河竄入通江之平

溪壩鐵廠河一帶業已帶兵往追

臣

又探得冉

添元王登廷過大河口出倒馬坎等處適遇麻

柳灣來有賊匪二三千人合夥竄往羅家壩此

股賊匪尙未確知名姓察其蹤跡似係馬五等

賊股羅家壩一帶係通廣元大路該匪等既經

竄合誠恐闖入棧道所有廣元之百丈關最爲

緊要

臣

先經派有副將舒林保等帶兵協同原

有兵勇防護又屢次飛飭該副將等嚴行戒備

並派阿哈保楊遇春穆克登布另行覓路由北
繞西抄出通坪旺蒼壩一帶以扼賊人奔竄寧

羌廣元去路臣卽帶兵跟蹤而進乃賊匪知前

後均有官兵又向南往木門鎮子壩一帶逃竄

該處係蒼溪巴州地界刻卽知會阿哈保等躡

路與臣合剿至德楞泰所追之徐添德等又聞

已過鐵廠河入簡池壩一帶西鄉營卡近又添
有山西官兵防禦嚴密該匪等不能深入又必
折竄太平目下賊匪多在川北該匪等被剿卽
潰而潰後又復趲集往往數股合爲一股被脅
者多已逃散所存大半實係教匪仍復固結不
解可恨之極臣惟有親率將領鼓勵兵丁盡力
趕辦此後德楞泰自西而東道路倘復相近更

當併力合剿現仍彼此札商相機辦理至連次
打仗把總崔聖傳奮力撲賊被矛傷陣亡其餘
兵勇容另查明咨部再查前因張子聰等賊匪
東竄開縣一帶先經派令七十五李紹祖朱射
斗等帶兵分路緊剿嗣據朱射斗稟報於初七
八等日在匣壩口木光壩節次打仗係張子聰
分股賊衆六七百人業俱剿散該鎮仍在開縣

一帶搜捕並另探別股剿辦嗣據大寧縣稟稱
賊匪竄至楚境竹谿界內經楚省兵勇迎頭攔
剿該匪復竄入陝西平利縣之茅壩等處查張
子聰等賊匪前經東竄臣恐又闌入楚境是以
責令七十五李紹祖等帶領兵勇六千餘名於
川楚邊界無論大股及零星之賊總當上緊趕
剿茲七十五帶兵跟追已赴楚境而該匪又折

入平利查平利一帶本有慶溥溫承惠在彼堵
禦該匪等自不致深入陝界但刻下是否業經
剿盡兩旬以來未經七十五等呈報現又飛行
飭知務須趕緊殲除不得任其滋蔓奏入

上命軍機大臣傳諭額勒登保曰川省各股竄匪盤
折於東鄉巴州一帶深山老林之內經額勒登保
派兵分路追剿斃賊三百餘人生擒一百餘人所

辦尙好其德楞泰所追之徐添德等已竄入道江
地方與麻柳灣賊匪合夥竄往羅家壩額勒登保
以該處係通廣元大路分派將弁繞道堵截以扼
賊人奔竄寧羌廣元去路所辦亦是惟徐添德等
屢經官兵逼剿潰而復聚仍係東奔西竄實爲可
恨額勒登保已帶兵跟蹤前進正當乘其潰竄之
時痛加剿殺不可因前又發去餉銀帑項較寬卽

不上緊剿辦致稽時日亦不可過於著急冒險輕
進額勒登保係經畧大臣非若領兵官員及巴圖
魯等必須親臨前敵深入窮追者可比遇有深林
密箐十分險要之處仍當於勇往之中加以持重
惟應督飭將領奮力截擊迅速蕝功至額勒登保
與德楞泰自因彼此剿賊緊要未能會晤其應辦
機宜朕亦不爲遙制額勒登保惟當與德楞泰會

商妥辦所有打仗陣亡之把總崔聖傳著咨部賜卹又據奏張子聰一股賊匪前經責令七十五等帶領兵勇於川楚邊界截擊茲七十五跟追已赴楚境而該匪又折入平利地方是否業經剿淨未經七十五呈報七十五係額勒登保派令專剿張子聰等一股賊匪非若陝楚守土之官祇須防堵本境賊匪既經折竄自應躡蹤追剿乃又任其由

楚竄回平利而七十五如何截剿情形兩旬以來
並未呈報額勒登保七十五係提督大員本有奏
事之責且所帶兵勇有六千餘名不爲不多乃委
令專辦此股賊匪旣未將剿賊情形具摺陳奏又
日久並不呈報經畧殊屬延玩著額勒登保查明
七十五如有輕視經畧不受調度及藉端逗遛之
處卽當據實嚴叅治罪以示懲儆

同日那彥成恒瑞台布奏言竊查賊匪忽分忽

合總冀牽綴兵力臣等公同商議官兵亦應隨

時分合相機剿辦當卽親率大兵翻越秦嶺老

林密探賊蹤就近布置茲據探報賊匪由老林

翻山竄往田峪干峪澇峪臣恒瑞隨赴栗樹坪

兩岔河一帶截其西面折竄之路札克塔爾赴

東河安溝一帶截其折竄西南之路綸布春由

秦嶺之南至茨子坪金雞嶺截其南竄之路並
令總兵長春協領富盛阿等至南關一帶抄截

叅將李天林都司劉滿貴自木子坪至澇峪迎
截副將多爾濟扎普叅將游棟雲等自田峪干

峪追躡臣等亦卽帶領護軍叅領富蘭叅將蕭

福祿等在北面抄截督率策應連日以來賊匪
知處處有兵不敢肆竄總兵長春等探知一股

賊匪藏匿高關峪夾嶺夜間潛師急擊賊卽望
風奔潰追至小干溝殺賊一百餘名該匪搶上
山梁擲石抗拒官兵奮力趕上又殺賊三十餘
名餘匪竄向澇峪內紙房地方適遇李天林劉
滿貴等官兵截住殺斃八十餘名賊匪復竄至
鳳凰山與干峪竄來之賊合夥同竄澇峪內兩
廊地方該處山勢陡峻直下無路若由山徑前

往路甚迂折隨令冬爾濟扎普游棟雲等馳出

田峪繞進澇峪口兜擊守備薛國相鄉勇首萬

彪率領兵勇追至山上於無路處所乘夜縋下

賊匪正在造飯不虞兵勇猝至登時奔潰殺賊

一百餘名擒獲最先滋事之賊目周正忠一名

小賊目汪永福一名餘賊六十二名賊匪敗後

欲向北面竄逸又見澇峪口有_臣等之兵情形

極爲慌亂向山險樹密之處紛紛竄匿我兵追
至始猶放鎗抵拒旋即拋棄鎗矛攀援陡礮而
上隨崖跌斃者甚多並殺死之賊復有二百餘
名現在各處要路分布官兵步步緊躡賊無食
息之暇各兵勇經_臣等親身鼓勵督率奮勇直
上登山越澗鞋襪多已穿敝卽間有糧運難至
之時仍復感發奮興並未稍形疲乏_臣等惟有

親督將領兵勇乘此銳氣奮力截殺以期迅速
殲除至前派副都統額爾亨額帶領

盛京兵一千名赴紫陽會同柯藩剿賊茲據馳報
川匪龍紹周唐大信熊客頭三股入陝意欲搶
渡漢江由望虎山竄至高灘河正在搭橋之際
柯藩督率兵勇將橋擊斷全行淹斃賊匪退至
望虎山吶喊放鎗抗拒額爾亨額將所帶兵丁

分據左首山梁及河底兩處鄉勇首胡貴帶領
鄉勇繞至山頂壓下與官兵奮力夾攻河底地
稍平衍馬兵易於得力鎗箭殺斃及滾山落河
者六百餘名於賊屍內認出南路僞元帥黃爾
雄首逆熊客頭之子北路僞元帥熊世洪及小
賊目李二毛子等七名當割首級梟示又生擒
賊匪三十一名放出難民二百餘名口敗殘餘

匪由六道河竄回川境至首逆龍紹周身穿紅
綢衣經鄉勇趙慶蘭趕往擒拿龍紹周情急滾

山逃下趙慶蘭擲石擊中龍紹周跌落河內未

知會否淹斃現在飛札額爾亨額等確切查明

呈報昨接倭什布咨會以辛聰等一股賊匪由

竹谿關入平利鎮坪地方令臣等派兵截剿臣

等現在秦嶺之北距平利幾及千里賊蹤飄忽

無常派兵前往已屬緩不濟急查平利原有慶
溥溫承惠帶領兵勇防堵數月以來賊至卽能
擊退實屬奮勉出力已飛飭慶溥溫承惠嚴密
截剿毋使復竄楚境且平利與紫陽接壤如紫
陽竄匪不至折回卽令額爾亨額等就近酌分
官兵前往援剿奏入

上命軍機大臣傳諭那彥成曰山內竄匪忽分忽合

復由秦嶺老林翻山竄往澇峪一帶經那彥成分
兵追躡先後殺賊三百餘名其龍紹周竄至高灘

河欲圖搶渡漢江亦經額爾亨額柯藩繞截夾攻
斃賊六百餘名並殲斃僞元帥黃爾雄等所辦尙
好所奏龍紹周滾山逃竄經鄉勇趙慶蘭擲石擊
中跌落河內與前此松筠奏報相同其辛聰等一
股由竹谿闖入平利一帶那彥成因相距較遠已

飭慶溥温承惠嚴密截剿如紫陽竄匪不至折回
卽令額爾亨額等就近分兵援剿所辦甚是所有
兜擊賊匪之守備薛國相鄉勇首萬彪於山上無
路處所乘夜縋下殺賊多名尙爲奮勇薛國相著
以應陞之缺陞用萬彪著賞給外委頂戴以示鼓
勵至兵勇等登山越澗鞋襪多已穿敝閱之殊增
憐憫前發去賞項六千兩正爲賞給此等出力兵

丁之用昨又因陝省應辦善後事宜發去餉銀五十萬兩備用那彥成不可因餉項較寬卽不上緊剿辦致稽時日但亦不可過於著急冒險輕進總當於勇往之中加以持重督飭將領相機奮擊於一兩月內將各股竄匪速行剿淨辦定大局不可再有遲延

初七日

庚寅

大學士軍機大臣六部尚書慶桂等

奏言前奉

諭旨於鄖陽地方酌量添駐文武大員用資控制令

臣

等悉心妥議具奏伏查湖北鄖陽地方界連

秦豫山林阻深明宏治十三年以其地錯居三

省荆襄流民往往屯聚乃設鄖陽撫治此次教

匪奔竄之處在鄖陽地界爲多今楚豫之間遺

孽已盡其竄伏於秦蜀之交者俱可計日殲除

但該處山嶺險要實易藏奸誠如

聖諭應添駐文武大員等官查湖北省道員五缺糧

道管理通省漕糧鹽道督銷鹽引兼巡武昌該

二道俱駐省城係屬簡缺漢黃德道駐劄黃州

專巡漢陽黃州德安三府亦係部選中缺荆宜

施道駐劄荊州分巡荊州宜昌施南三府荊州

旣爲重鎮而宜昌施南均與四川接壤所屬名

縣如巴東來鳳等處皆前次賊匪奔竄之區安

襄鄖荆道駐劄襄陽分巡安陸襄陽鄖陽三府

荆門一州襄陽接壤河南之新野鄧州為全楚

北面門戶一切彈壓稽查已為不易又令於數

百里外兼巡鄖陽實有鞭長莫及之勢臣等公

聖諭同酌議糧鹽二道既係簡缺應將漢黃德道所

轄三府歸併分巡雖糧道有押運北上之責查

各省糧道亦有兼巡地方者而漢陽距省不過
十里黃德二府亦遠不出三百里儘可歸併兼
巡卽將漢黃德道移於鄖陽照甘肅西寧道之
例改爲鄖陽兵備道專轄鄖陽一府令其督率
府縣搜緝奸宄會同鎮將整飭兵防並定爲調
缺每遇缺出於通省道員中揀選調補其一切
移駐事宜及漢黃德三府如何分別歸併一處

仍令該督撫詳議具奏至湖北武職除各標營
外有宜昌襄陽二鎮宜昌鎮駐劄東湖襄陽鎮
駐劄穀城鄖陽向設副將一員係襄陽鎮統轄
查襄陽鎮所管地方已極緊要而又兼轄鄖陽
未免巡察難周應請將鄖陽副將改爲鄖陽鎮
總兵庶足以重職守而壯聲威但鄖陽去襄陽
鎮所駐之穀城不過三百餘里似不必兩鎮分

駐惟鄖陽府所屬竹山竹谿地方西控夔巫北
接興安形勢最爲扼要

臣

等擬將所改鄖陽鎮

總兵移駐竹山竹谿地方該二處亦各設有遊
擊一員移駐之後卽將一員改爲鎮標中營遊
擊一員改爲鎮標左營遊擊仍駐原舊地方而
以鄖陽協舊有之中軍都司改爲鄖陽城守營
都司仍駐鄖陽府治其均房營叅將旣管房縣

沃地亦應歸鄖鎮管轄如此則西足以遏雲陽

大寧開萬之衝北足以為平利洵陽白河之蔽

地利既得而控制益嚴矣至一切移改各事宜

及鄖鎮或應駐竹山或應駐竹谿之處請令該

督撫悉心妥議具奏再臣等更有請者現在湖

北教匪皆就殄滅其餘孽尚出沒於陝之西界

川之北界查陝西漢中府之西鄉縣在鄖陽以

西向爲扼險制要之處其地通川之道有二一
由漁渡壩下鹽場關西接蜀之太平計程五百
里一由大小巴山翻山至白陽關西南接蜀之
通江縣計程四百里今漁渡路僅設都司一員
而與漢鎮駐劄與安相去甚遠不足以資控馭
查與漢鎮所屬有漢中協副將一員駐劄漢中
去西鄉二百餘里似應將該副將改爲總兵移

駐西鄉卽將漁渡路都司改爲鎮標中營都司
其漢中協舊有之中軍都司改爲漢中城守營
都司仍駐漢中而以迤西之寧羗畧陽陽平漢
鳳等營改歸該鎮管轄并將興漢道一併移駐
該處蓋西鄉實漢中之屏障守西鄉實以守漢
中且西鄉之鎖鑰旣嚴則鄖陽之藩籬益固惟
前據陝西巡撫台布奏請於五郎地方設立總

兵一員並分設小營於子午峪黑水峪等處而
以團練鄉勇充當新鎮營兵奉

旨令台布會同松筠歸入善後事宜熟籌妥辦今若
於西鄉設立總兵是陝省同時增添二鎮所增
兵額未免過多且五郎鎮設立總兵僅可屏障
西安若於西鄉設立一鎮則川陝楚三省均歸
控扼五郎卽在捍衛之內似以西鄉設立總兵

爲得其要應請

勅下該督撫較量西鄉五郎兩地情形究竟於何地
設立重鎮之處詳悉會議具奏辦理奏入

上命軍機大臣傳諭倭什布松筠高杞台布日本日
大學士等會議鄖陽等處添駐文武大員並請將
陝省漢中協副將改爲總兵移駐西鄉等因自屬
因地制宜之策而陝省應設總兵移駐西鄉較之

五卽自更得要但於各該處地勢情形究係按圖懸揣倭什布松筠等身任封圻於該二省地方險要及一切控制機宜自當確有所見著將原摺發交閱看應否卽照原議辦理抑尙有應行變通參酌之處各行悉心妥議具奏至前此川省竄匪闌入楚省邊界經倭什布督兵截剿將賊匪逼回陝境鎮坪現在此股竄匪究向何處奔逃是否離楚

已遠邊界寧靜著倭什布卽行具奏又陝省紫陽
平利一帶分竄各匪經額爾亨額柯藩及該鎮道
等分股剿殺會否搜捕淨盡那彥成所追竄匪現
於何處截剿並著松筠速行具奏以慰屢念

初九日 壬辰

上命軍機大臣傳諭額勒登保那彥成德楞泰曰各
路軍營剿辦教匪節經降旨諭令務於年內將大

局辦定今各股賊匪 向在稽誅然勢已潰敗且冬
春之際舊穀旣盡新田未收野無所掠賊匪自無
從得食各路統兵大員正當乘其窮蹙上緊剿辦
務於正二月內將各股竄匪一律剿盡倘再有遲
延則賊匪又得新糧充腹且春令以後復多雨水
彼時又不免以道路險滑難以追逐爲詞軍務何
時告竣此等賊匪祇係內地亂民有何難辦且經

朕於本年正月以後大加整頓更換經畧特派大臣前往並將從前領兵玩誤各員分別治罪而爲時已及一年大功仍未告蒞豈不使賊匪生輕視之心倘因遷延時日致狡猾匪徒復思潛萌勾結更復成何事體特此再行通諭各路統兵大員務須各知勉奮併力擊剿於正二月內全行辦竣伊等於原定限期已屬遲延若再任賊匪奔逃延喘

以致辦理周章則罪由自取不能再爲寬貸勒保等
非前車之鑒乎

同日

上命軍機大臣傳諭吳熊光曰該撫在盧氏一帶駐
守已逾半載從前原因張漢潮一股賊匪在鎮坪
商雒等處往來奔竄與豫境毗連是以該省巡撫
兩鎮皆在邊界帶兵堵禦現在張漢潮早就殲戮

其零星小股賊匪在南山老林竄匿經那彥成等督兵追剿賊勢已極窮蹙自可卽就殄平其紫陽洵陽平利一帶逃竄之賊有額爾亨額柯藩王文雄慶溥溫承惠等在彼分投剿辦緊躡賊蹤亦無虞其他竄且紫陽一帶距豫境更遠以現在情形而論豫省防堵尙非著緊之時且吳熊光係屬巡撫本任亦有應辦事件著吳熊光體察情形若可

無須在彼卽先回省辦事如採訪陝楚賊情距豫
日遠邊境竟可無虞或止留南陽鎮田永猗在盧
氏一帶駐守卽河北鎮常林亦可令其回至本任
其三路將弁兵丁有須酌減之處亦須酌量撤歸
本任以節糜費而示體卹惟在吳熊光斟酌形勢
妥爲經理卽將如何遵辦情形據實先行覆奏

初十日

癸巳

倭什布奏言查前次敗走尖山坪賊

股雖經擊退猶未遠遁而截回之辛聰一股亦

尙在平利地方西南邊隘尤爲緊要臣遂分飭

南面各卡嚴堵並於大歇廠添設鄉勇以杜川

匪乘間竄越並令竹葉關等卡加意守禦以防

辛逆一股折入西面臣仍在西面河西溝黑山

頂石店河一帶往來督率將各卡官兵勇相

機抽撥分派不令賊人知我虛實二十三四等

日該匪在尖山坪老林左近或二三百人或一
百餘人盤折散竄雖祇焚燒掠食意在誘我官
兵二十五日夜忽奔至石店河見卡隘攔堵甚
密潛行退走二十六日乘霧直撲西溝之烏巖
水卡隘經把總童尙道率領兵勇施放鎗礮賊
卽退回二十七八等日又分股至西面河黑山
頂等處窺伺相離均不過一二十里及至派兵

迎擊該匪復又折回或遁入老林藏匿旬日內

臣督飭西南各卡將弁晝夜防範總以靜待動
以堵爲剿此時該匪知楚境官兵嚴密分散在

十八灣鎮坪大小樹河等處屯擾賊情詭譎殊

不可測據總兵慶溥報稱由花梨樹一帶攔剿

辛聰一股現已由麻柳壩官園子西竄紫陽縣

邊界又據七十五派令防守大寧屬廟壩子之

副將褚大榮稟稱前竄西溪河之賊先在撮溪

口烏龍溪肆突現經兜截折回長灘河老觀子

南遁是前次辛逆及川省續來後股已兩路退

竄不致交逼楚境惟現屯鎮坪大小樹河之賊

若由八仙河南逃卽入川境若向北折竄仍係

楚省西面各卡而大小樹河距臣駐守之西面

河亦祇五十餘里此時已可專意堵禦此股臣

斷不敢以賊氛已減稍有懈弛奏入

上命軍機大臣傳諭倭什布曰此次尖山坪逃逸賊
匪見各卡攔堵甚密潛行退走後復乘霧直撲西
溝卡隘實爲可恨看來賊匪總欲竄入楚省倭什
布尤當實力嚴防不使闖入楚界卽屬該督之功
倘稍有疎懈或致賊匪乘間竄至倭什布自問能
當此重戾耶

上又命軍機大臣傳諭額勒登保曰本日據倭什布
奏辛聰賊股由麻柳壩官園子西竄紫陽邊界據
七十五派令防守大寧之副將褚大榮稟稱前竄
西溪河之賊由撮溪口等處奔突現已折回長灘
河老觀子南遁已降旨令倭什布實力防堵矣七
十五係專派剿賊之員非守土之臣可比前據額
勒登保奏稱張子聰一股係令伊追捕乃賊匪折

竄平利地方七十五並未躡蹤追剿又不呈報額
勒登保且伊係提督大員本有奏事之責總未將
剿賊情形具摺陳奏殊屬可惡業經降旨查詢且
倭什布初四日奏到之摺稱令七十五派來之遊
擊劉貴朝暫紮雞心嶺防堵而本日摺內有稱七
十五派令副將褚大榮防守大寧是七十五並不
親身剿賊僅分派各員於川楚邊界地方防守塞

賁伊竟擇一無賊處所紮營安坐效前次富成永
保故轍矣現在七十五究係剿辦何股賊匪在何
處逗遛任賊奔竄之處著額勒登保確切查明知
實有避賊情事卽當將七十五傳旨革職鎖拏交
與魁倫嚴審定擬具奏其所帶兵勇另派得力鎮
將前往管領若七十五現有專剿之賊正在緊要
不能分身另辦他股是以派員前往守禦尙非右

心避賊卽行明白覆奏額勒登保當嚴飭七十五
上緊剿辦以贖前此遲緩之咎又本日車森保押
高均德到京當卽召見詢問軍營情形據稱賊勢
甚爲窮蹙無處覓食衣履穿敝並有赤身逃竄者
且不能射箭打鎗毫無伎倆一見官兵卽捨命狂
奔不敢仍前抗拒惟因川陝一帶山險林密路滑
泥深官兵追趕未免費力車森保親歷其境所言

自係實在情形且與朕所聞大畧相同並據車森
保稱道路險仄之處官兵追賊無定糧運往往不
能趕上接濟以致官兵乏食竟有將沿途倒斃騾
馬充食者聞之實堪憐憫此時賊匪雖已窮蹙若
任其越嶺扒山四散奔竄不能制其死命則官兵
輾轉追躡豈不日形疲乏似此情形即使再添東
省勁旅前往亦不能得力賊匪何時始能剿盡耶

額勒登保務須督飭各路帶兵大員趁此天寒冰
凍之時及早剿辦但遇深林密箐十分險要之處
亦當於勇往之中加以持重倘冒險深入或有疎
虞轉屬不值惟應設法籌辦遏其去路將賊匪日
逼日緊使之無暇掠食困於饑寒而官兵復緊躡
其後自無難一鼓殲除並著額勒登保轉傳各路
糧臺務將糧餉隨時設法運往接濟俾無缺乏總

須在正二月內剿辦完竣若再遲至春融冰化復
多雨水則道路更形險滑糧餉益難轉運辦理尤
爲棘手額勒登保等不可不倍加奮勉速行蕙功
以副委任並著將此旨通諭各路帶兵大員一體
遵辦